

— Մա՛րդ, մա՛րդ սասնցիք են, եղբա՛յր, նախարարներու, իշխաններու, Արծրունեաց, Բագրատունեաց ընել չի կրցածը ըրին մարդիկը՝ գլուխ հանեցին: Տարօն հիմա արաբ մը չի կայ:

— Ի՛նչ կ'ըսես, եղբայր, երկու շաբաթ չի կայ, դեռ հոս էին Տարօնս եկած, սասիկ զարկին, մենք իմացանք, պատրաստուեցինք, որ էշնահատակ չլինինք. եթե մեռնել է՝ գոնե մեռցնենք այնպես մեռելիք, ըսինք, մեկ մ'էլ իմացանք, որ անհետացեր են: Այս անօրէնները այս կողմ, այն կողմ կը զարնեն: Լաւ ծեծ մը պետք է ուտեն, որ մեյ մ'էլ չի գան:

— Եթե լաւ ծեծ մը այս անօրէնները խելօքցներ, որ է՛լ չիգան, սասնցիքներէն երեք օր առաջ կերածնին պիտի լինի, վասնզի մեկ հատ չի մնացին. Ոստիկան, զօրապետ, ծիաւոր, հետեւակ, ամենքն էլ մինչեւ վերջինը ջարդուեցան Մշոյ մէջ:

— Ի՛նչ, եղբայր, երա՞գ կը տեսնես:

— Ի՛նչ երազ, Ս. Կարապետ վկայ, որ հատ մը չմնացին:

— Դու ուստի՞ գիտես, ո՞վ քեզ պատմեց:

— Ես հոն էի, ես միասին էի. ես իմ աս ձեռք քանի հատ հաւու պէս մորթեցի, ըսի քիչ մը առաջ. խո՞ւլ էիր, չիմացար:

Ան ատեն Վահրիճ սկսաւ ծայրէ ծայր պատմութիւնն ընել: Բոլոր ընտանիքը ժողուած ուշադրութեամբ մտիկ կ'ընէին. եւ երբ թշնամուոյն կոտորածին հասան, երբ ոստիկանին մահուան պատմութիւնն լսեցին, է՛լ ուրախութիւնը իր վերջին սահմանները գտաւ. Կարապետը իւր տղայքը վազցուց տերտերին, դրացուոյն, ազգականին, խնամիին ու սանահայրին տունը թեպետ ձիւնը կ'ուգար բայց դարձեալ սենեակը բազմութեամբ լցուեցաւ, եւ երբ սասնցուոց քաջութիւնն երկրորդ անգամ եւ անելի զարդարուն պատմեց Վահրիճ, ամենքն գմայլեցան, գինին ծածկած կարասներէն յայտնի եղաւ՝ դուրս եկաւ, երգող բանաստեղծը իր եռաթելեան